



14344

kat.komp.

III

Rea. St. D. 7

P

Lyzanowski Stanislaus: Proebus Lectionis sereniss
sacro coronationis die, quo seren. Princeps
Monarcha et dominus D. Ioannes Casimirus,
Rex Poloniae - regalibus Regni insignibus
est decoratus.

PANEG. et VITAE

Polon. Fol.

N. 400.

R

I

L

Ar

PHOEBVS LECHIAE SERENVVS

Sacro Coronationis die,

2^{vo}

Serenissimus Princeps Monarcha & Dominus,

D. IOANNES CASIMIRVS

REX POLONIAE,

MAGNVS DVX

Lituaniae, Russiae, Prussiae, Masouiae, Samo-

gitiae, Liunioniae, Smolensciae, Czernichouiae &c.

nec non Suecorum, Gottorum, Vandalorum, Haereditarius

REX

INAVGVRA TVS

Summo cum applausu Ordinum,

REGALIBVS REGNI INSIGNIBVS.

In Inclyta Poloniarum Metropoli. Anno Verbi incarnati,

MDCXLIX. XVI. Calend. Februarij, est decoratus.

& in Symbolum

Erga Sacram Regiam Maiestatem, Officiosae subiectionis,
ac submissae venerationis.

Luci publicae exhibitus

A

STANISLAO ZYZNOWSKI,

Artium liberalium Magistro Philos. Doctore, & in Alma Academia
Craconiens. Professore

In Officina Typographica Martini Filipowski.

In Arma Domus Inclytæ.



Munere quàm diues, quàm pulchrum stemmate Regnum,
 Cara suæ gentipignora, stemma dedit.
 Descriptum rubeo cernis, violæq; colore,
 Piaſceci ſcutum: gloria pulchra Domus.
 Fœlix progenies gemino Piaſcecia vultu;
 Palladis & Martis fœdere, quid melius?

ALBERTVS ROSZKOWIC,
 Exorator coram Deo perpetuus.



D
Ca

D. 5



inusu
rator
stias.
glorio
habit
illust
prom
ratus
pensa
canda
singu
Te sit
est g
pe in
rum
gusti
non d
dome
mò q
Et uos
ad A
riam
signib
siman
fide

Perillustri & Admodum Reuerendo Domino,

D. REMIGIANO PIASECKI,
Cantori Præmislien. Regenti Cancel-
lariæ Regni, S. R. M. Secretario.

D. & Benefactori, felicissimam valetudinem cum omniæ bonorum accessione.



D Sacram Coronationis diem, quâ Sereniss: ac Poten-
tis: Princeps, IOANNES CASIMIRVS, Rex Poloni-
arum feliciter inauguratus, diuino destinatum consilio,
Maiestatis Regiæ ingreditur Solium; incultus hic ex-
currit calamus: Perillustr: D. suæ quippe consciu te-
nuitatis, in tam arduum non descendisset negotium: nisi
inustatata ex nouo Rege, lætitiæ magnitudo, vi blandiori rapuisset O-
ratorem, inuitumq; ad sui obliuionem coegisset, dedignata pectoris angu-
stias. Discant hanc sapientiam publici pædagogi, & ineptæ seueritatis
gloriosissimi candidati: veram Philosophiam conuenientes nouo tempori
habitus induere, præcipere. Atq; ego dum optimè nouerim tuam Per-
illustr: D. iudicij amplitudinem, quâ studia literatorum literarumq;
promouere consueuisti, & eam animi excellentiam, quâ Tibi exage-
ratus studio literarum placeat affectus: ideo præsentem hanc inpro-
pensæ voluntatis argumentum orationem, Illustri Tuo nomini, dedi-
candam esse censui. Fuit semper deuotus meus Tibi animus, idq; ob
singularia fauoris Tui ac beneuolentiæ monumenta. cum enim nihil in
Te sit, quod à Tuo illustri discrepet sanguine, illa potissimum virtus, Tua
est gloria posse & velle benefacere. Generosus, Generosissima Tua stir-
pe in lucem prodixisti, quia in omni laude, quâ virtutum, quâ merito-
rum es minimè degener. Singulas hîc percensere laudes loci negat an-
gustia, quas tamen Ioue feliciori vberiori describere calamo, promptus
non deest animus. Satis hîc ad laudem, Solus generosus animus, quem ne
domestico deprimeres otio, omnium patientissimus in commoditatum, pri-
mò quidem ad comparandam solidioris doctrinæ & sapientiæ segetem fru-
ctuosam, ad cultioris soli gentes pergere non intermisisti: illinc reuersus,
ad Aulam Serenissimorum Regum nostrorum Te recepisti, ibidem in glo-
riam Domus Tux inclytæ ampliorem, Tuiq; nominis famam, meritis in-
signibus desudaturum. Celebris Tua eruditio & eximia prudentia nobilif-
simam accepit laudem ex Iudicijs Tribunalitijs, ad quæ deputatus, eâ
fide stetisti, eâ inclaruisti integritate, eâ demùm excelluisti animi genero-
sitate

sitate, ut publicæ utilitatis defensor, innocentium & humilium tutor, re-
 pressor superbiorum, bonorum amator, veritatis cultor, hostis malorum ha-
 bereris. Et hæc est potissima boni iudicis virtus, quam Tu vitæ integrita-
 te omniq; honestate gloriosam fecisti. Nefas enim est apud Te, nomina
 libertati Patriæ dedita seruili contagio pollui. Quemadmodum & Per-
 illustris olim IACOBVS PIASECKI Abbas Mogilnensis, Frater Tu-
 us carissimus, quem Parca crudelis in flore ætatis immani dempsit ense:
 lux illa virtutum gratiosissima, beneuolentiæ & humanitatis simula-
 crum, comitatus miræ exemplum; cum ad eadem sederet iudicia, fuit spe-
 culum omnis vitæ melioris, nullo intinctum nœuo, sciens nobilitatem ge-
 neris, virtute destitutam non posse intelligi. Et cum populus nihil magis
 intueretur quam Principes, quorum vitam habet pro lege, idem uterq; ad
 iudicis personam referri sentientes, stateram iustitiæ in omnibus nequa-
 quam transilire potuisti. Atq; hæc auita est Domus Tuæ laus, quam in
 Illustissimo & Reuerend: Episcopo Præmissien: PAVLO PIASECKI,
 adlapsa demirando prædicabit posteritas, cuius Tu virtutum viuum esse
 contendis simulacrum. Nullis inquam delectitur funeribus, summa illius
 eruditio & prudentia: sublimis vitæ integritas, ibit in famam sæculorum;
 veritas & iustitia per Europam omni æuo manebunt prædicanda: Te
 istæ ipsæ in Aula Serenissimorum Regum commendant virtutes. In Ar-
 chiuo Regni præclara elucent eruditionis ac prudentiæ specimina, cuius
 cum agas præsidem, agis etiam styli eleganti grauitate, iudicij præstan-
 tia, prout velis & Senecam & Ciceronem. Nec vitæ integritas, nec veri-
 tatis & iustitiæ exacta obseruantia, est à te aliena, ut ita appareas qui
 vir sis in magistratu. Non vis esse filius Scipionis, cui per Senatum Ro-
 manum prohibitum erat, ne gestaret annulum in quo Patris sui conspici-
 ebatur effigies, eò quòd degenerauisset ab illo. Ita Tu Illustrissimi Patru
 Tui veram sinceramq; refers imaginem, ut ad hanc dignitatis progrediaris
 prærogatiuam, quòd non modo annulum, sed tyram Episcopalem gestare
 valeas. Nec est cur hic sileam, Magnificum Dom. Fratrem Tuum, PE-
 TRVM PIASECKI, cuius dexteritas bellica, heroicus pro Patria animus,
 hanc laudem promeruit, quòd illi ad prælium contra Cosacos, Præfecturam
 suffecerit militarem. Hanc possedit in illo perturbato rei militaris ordine,
 singularem gloriam: quòd altà præditus mente, in discrimen vitæ aliquo-
 ties prorumpere non formidauerit. Ista laus Fratrum Tuorum, laus Tua
 est: illa in Te viuit, hæc Tecum. Lucete salutaria Patriæ sidera, pergit
 in diuturnam vitam cara Patriæ pignora, hic in sago Tu in Toga optimi
 Cives.

Perillustr. & Adm. Rdæ: Dnis. vestræ, affectu totissimus
 M. STANISLAVS ZYZNOWSKI, in Alma Acad. Crac.
 Professor,



PHOEBVS LECHEIÆ SE- RENVS.

FERALIBVS pullata vmbri, diuturni spatio tempo-
ris, languere non poteris, ò Alma Polonia, quia cœ-
lesti, à polo vocata nomine, concordem cum cœlo, ser-
uare debuisti symmetriam, quod alterna Solis clarita-
te, latè patens Septemtrionis recreat hemisphærium: vel quod
nusquam est, ad exactam orbatum lucis absentiam. Si veriùs,
ad historiæ calcem, Polonia à pole appellari meruisti, de sere-
nitate, haud quidquam ambigere potuisti quæ ad tuos, omnige-
na frugum varietate felices campos, festinante non redeat cur-
ru. Atq; hinc, benè tibi ominari deberes, inclyta dulcisq; Pa-
tria; talem tibi ex cœlorum votis, contigisse sortem: vt quantò
sis cœlo proximior, iure affinitatis; tantò remotior à casu, & fa-
tali periodo. Nihil turbæ ærumnarum, quibus rerum munda-
narum, creberrimè miscentur vices; nihil inuisa terrenæ po-
tentix Numina, quæ mundum in ordinatis fatigant desiderijs,
contra diuturnam felicitatem tuam, proficere possunt: eò pror-
sus in se relabente incommodo, vt qui spuit in Olympum, respuat
in se. Temerè procedit, audax gentium furor, qui dum te ma-
lignè ferire satagit, suis mox reuerberantibus indolet telis. Ac-
cepisti hæc fortunata auspicia, & ab augusto pignore tuo, quod
in primordijs tuis, supremum cæleste Numen, tibi ad gloriam, si-
mul & ad præsidium ordinauit. Candida Aquila tua, ad ictus
fulminum non ingemiscit, nam ab illis secura perpetuò manet;
tam præstanti, ab Authore naturæ, decorata fauore. Aduer-
sum qui hîc sentiat, tuus est hostis. Suprà quàm satis, cunctis
patuit

patuit nationum populis, te hostiles furores, quoties in ruinam tuam efferbuerant, ad æuiternam tuam famam, gloriose superauisse. Iacet modò confusus hostis: quando in tua confusione, si quæ fuit, non confusas, sed serenas Ciuium experiebatur mentes. Si tamen, verecundo liceat referre calamo, fatis abreptum, inuictissimum Herculem VLADISLAVM IV. pro DEVM hominumq; fidem; fieri ne potuit, quin ad occasum, gloriosissimi Monarchæ tui, tristicie angustijs, non premereris! Vniuersi Orbis Christiani lachrymæ, ex intempestiua morte illius, humana si possint cumulari industria, profluentem cerne-remus. Sola ô Polonia, quomodo sine luctu, sine dolore, manere potuisti; cuius felicitate admiranda, summa potentia, auctoritate apud omnes exterarum gentes, cum cæteris Regibus non comparanda, hostibus ipsis formidanda; alta pace, & plusquam Romanis fruebaris delicijs. Scire velis causam, cur Orbis Christianus, luxerit VLADISLAVM: quia rediuiuum, ad Reipublicæ Christianæ felix incrementum, expetiuit habere Alexandrum. Dolere igitur debuisti Polonia: cuius quidem doloris inter plurima, hoc non minus argumentum. Debit aliquantis per obscurari Serenitas tua, quia dum Sol nouus, ingressus est, thronum Maiestatis Regiæ: subito tristes disperierunt umbræ; & iam noua Serenitatis coronaris Maiestate. Sub polo Arctico, nemo sex mensibus videt Solem: at ubi primum exoritur, gratiorem quam antea, præbet lucis splendorem. Sic tu, vltra semestrem progressa sereni iubaris eclypsim, augustinam altiori gradu, quam primigena erat, recipis serenitatem. Id omnes, praxi experimur continua, quod præmissa tristitia, sequenti gaudio, conferat dulcedinem. Eà propter, culpæ exilis Mineræ propositum, non maior esset culpa, quam si quis, serenum post nubila Phæbum, culpæ auderet. Prodit igitur tenui stylo depictus, Phœbus Lechiæ serenus, quem in communi Patriæ lætitia, Procures literarum, placido prosequantur Fauonio.

Phœbus oritur Lechiæ serenus, quando Serenissimus Prin-

ceps

ceps
R V
lium
lum
tem
to R
trist
Fate
Reg
Alti
cile
rorib
stati
colli
nis p
renu
simu
tiæ
Nec
na n
reru
renis
ciatu
hæc
sum
anim
super
fimi
rum
auxi
tater
Ded
eius,

ceps Monarcha & Dominus, D. IOANNES CASIMI-
RVS, cæliterræq; conspirantibus votis, Regale conscendit so-
lium: cuius muneris est, opacas Orbis partes, gratioso serenare
lumine. Experitur hodie, beneficū lumen, faustè locata ad Sep-
temtrionem Polonia; dum ex nouo Rege, Insignibus decora-
to Regalibus, illa quoq; noua gaudiū coronatur luce. Nænijs
tristibus, paulò antè, ex occasu Regis desideratissimi occupata,
Fatorum accusabat immanitatem: hodie ad exorientem noui
Regis Serenam Maiestatem, lætos edens susurros, Numinis
Altissimi, in credibilem deprædicat clementiam. Neq; ego fa-
cilè crederem; Regem, in Regno esse Solem, nisi exasperata mæ-
roribus Polonorum pectora, læta cernerem, ad augustos Maie-
statis Regiæ splendores. Lugubribus soluta vestibus, Polonia;
collis ille est, florum varietate insignis, quem Sol perennis lumi-
nis parens: ad amænitatem prouocabat, tali cum lemmate. *Si se-
renus illuxerit.* Serenum illuxit Orbi Sarmatico fidus, Serenis-
simus IOANNES CASIMIRVS, qui discussis vndiq; tristi-
tiæ nebulis, coloribus gratiosis, festiuisq; gaudijs, serenat omnia.
Neq; prorsus aliter, quàm simul atq; nouum ver; vbi terris hyber-
na niue horrentibus, suis illis aspirarit Fauonijs, repentè omnis
rerum facies, mutato squallore enitescit: ita vbi vbi locorum, Se-
renissimi IOANNIS CASIMIRI pompa apparet, aut nun-
ciatur, mox illic omnia, noua quædam occupat lætitia. Inusitata
hæc, gestientium animorum gaudia, ampla cum vbertate, à
summis descendunt Regis virtutibus, & incomparabilibus
animi & corporis dotibus: quibus ille, Regum aliorum, si non
superat, certè exæquat gloriam. Perpendebant benè, Sapiētis-
simi Reipublicæ Ordines, quantum, in nouo Principe bono-
rum possiderent: vt ex eius, quibus diuinus fauor, pulcherrimis
auxit illum ornamentis, non ignorarent; omnem suam incolumi-
tatem, fortunas, opes, pacem, ocium, bonorū accessionē, pendere.
Deduxit plurimos, in spem felicitatis, fortunatus dies natalis
eius, nam elapso tempore, perquam exiguo gloriosissimus Pa-

rens, SIGISMVNDVS III. trophæa ex Moschis, feliciter re-
portauit: ibidemq; strage notabili in hostiles exercitus inducta,
Smolenscum recuperauit. Rectè hinc, autumare possumus in
columitatem & fælicitatem, Patriæ nostræ: nam si verum fuit,
Augustum Dominum Orbi terrarum natum; quod eo die,
primam hauserit lucem, quo super Catilinam, pestem gloriæ
Romanæ, exilium decerneretur: cui diuinare non liceat, Serenis-
simum IOANNEM CASIMIRVM, non modò, incolumi-
tatem alta pace præditam, Regno Poloniarum allaturum: ve-
rùm etiam, in Vniuersi Orbis Christiani gloriam, regnaturum.
Quid enim prohibet, virtutem illius, in altum excrecere posse.
Iagelonus sanguis est, quem vt primùm, Diuina prouidentia, Re-
gno inuiscerauit Poloniarum: statim viuere felicitas, & trium-
phare felicius, Christiana cæpit Ecclesia. Sanguis est, ex Galeni
doctrina, vitæ vehiculum. Sanguis Iagelonus, vehiculum No-
minis ac felicitatis Polonæ: cuius fortunatam propaginem vniuer-
sus populus, meritò sibi comprecatur. Imò verò, in tam pertur-
bato Reipub: Polonæ statu, si Rex esse debuit, CASIMI-
RVS, qui quarti gauderet nomine, esse debuit. Neminem latet,
quanta Patriæ nostræ veniat felicitas, dum Rex IV. possidet sce-
ptum. Libet hîc reficere memoriam, quando post fata SI-
GISMVNDI gloriosissimi Regis, Moschouiticus furor, para-
bat pernicem Polonis, quem VLADISLAVS IV. feliciter
coronatus, feliciter perdomuit: in gentibus hostium copijs, ad
internecionem profligatis. Eam modò, ex Serenissimo CASI-
MIR O, percepimus felicitatem: qui, vt primum fuit in Re-
gem Poloniæ Nobilissimorum Ordinum, pergrato assensu, in
auguratus: mox propitijs Numinis, fauor adhæsit, & sæua tempe-
stas, fatali turbine in fascinata, recessit. Neq; aliter, efferata gens
Cosacorum, quæ quoquò versum ingrueret; bello, tumultu, ter-
rore, cæde, sanguine, permiscebat omnia: suum vltiorem impe-
tum, ac furorem cohibuisset; nisi Serenissimum CASIMIRVM
in throno Maiestatis Regiæ collocatum audiuisset. Serenis-
simus

simus IOANNES CASIMIRVS, rediuius ille est Camillus, quo regnante, Roma capi non potuit, nam & illo: Regale Solium ingrediente, Polonia, vltimo succumbere exitio, non potuit. Fuit omnino, fatalis quædam vis, diuinitus adiuncta, Serenissimo Regi, veluti Caio Cæsari: vt non solùm aspectu, sed ipso quoq; rumore, hostibus formidinem incuteret verùm, quod illi ad belli momenta, fuit adiunctum; hoc Serenissimo CASIMIRO, ad excitandam benèuolentiam, & pacem conciliandam. Concescit hanc virtutem psyllis, prouida parens natura, quod non solùm pestilens virus illis officiat, verùm illud succtu eximant: non dissimili quoq; ratione, Serenissimus IOANNES CASIMIRVS, vsq; adeò nec odio Cosacorum obnoxius, vt ex illorum animis, immanitatis virus potenter educat. Ita fortasse futurum est, vt quemadmodum Titus Imperator, Orbis amor fuit appellatus: mirabiliori quodam ordine, Serenissimus IOANNES CASIMIRVS, ipsorum amor hostium, appelletur. Elucet enim omnino, in Serenissimo Principe, talis quidam oris habitus, qualem & hostes formidare, & amare possint. Istius modi figuram, Achilli affinxit Homerus, Æneæ Virgilius, talem Africano Duci, attribuunt historiæ: quam sic augustam esse voluerunt, vt nihil tamen amabilius sic; rursus amabilem, vt nihil augustius. In Serenissimo Principe plusquàm heroica, procul etiam ostentans Principem facies, amabili quadam venustate, pariter ac Maiestate temperata; qualem arbitror fuisse illi, in quo vno, quasi geminus vultus Martis & Apollinis appareret. Atq; illum hic, nec ipso cum Hercule, in hoc laudis genere, comparare possum: quia ille gladiatoria audacia cum monstris depugnabat Maieitati Regis serenissimi Monstra vltro cesserunt. Quid maius ad felicitatem, Serenissimo CASIMIRO, superi dare potuerūt, quam vt hostium quoq; nec dum Martis arenam ingressus, sua Maiestate perculos faceret animos. Nihil fuisset ad meliorem felicitatem, & si Cecropem nobilitate, Policratem felicitate, Cræsum opibus, Xerxem copijs, victorijs Caium

B

Cæsa-

Cæsarem, triumphis præcederet Pompeium; dum in hoc vno laudis genere, aliorum Monarcharum exquisita superet encomia. Huius tantæ, tamq̃ incredibile felicitatis, nullus erat ex Regibus CASIMIRVS, qui istam nominis occuparet gloriam. Quidquid enim, faustitatis, & Regiarum virtutum, in illis elucebat, ex omnes eminentiori, longè in Serenissimo IOANNE CASIMIRO, relucet perfectione. Militantem si quæras rationem, vel hæc ipsa vagabundam saluabit mentem. CASIMIRVM cogitã quartum. quartus est, veluti suprema & excellentissima CASIMIRORVM laude, cumulus: cuius fortunam constantẽ, quaternarius symbolizat numerus. Inde q̃ non vanus augur veniõ, inclyta Polonia, te in alta pace, & tranquillitate summa constitutam esse CASIMIRO IV. Rempublicam, feliciter moderante. In quarto si quartum dicere malis posita es, veluti ciuitas Dei, ad æternam comparata quietem, in quadrò fundata. Serenitas tua, felixq̃ tranquillitas eousq̃ stabit firma & immobilis, donec pari numero, gaudebis in Rege. Quartus fuit VLADISLAVS, Christiani orbis gloria, Europæ propugnator, Osmani terror, Moschorum perdomitor: quartus ille fuit, qui vniuersum Orbem fama rerum gestarũ, armorumq̃ compleuit gloria. Iisdem nos elogijs, triumphantem CASIMIRVM IV. cospiciemus, & audiemus. Vnus ille Sanguis cum VLADISLAO IV. vnus in vtroq̃ animus. Et quemadmodum in malefactis, aliquem iudicamus ex socio; è contrà hîc, in heroicis meritis, & gloriosis facinoribus, Serenissimum IOANNEM CASIMIRVM, felicissimum & gloriosissimum Regẽ, ex Fratre, debemus coniungere: id spe concipientes, vt quod optimũ satis concedente VLADISLAO Fratre, amiserat Polonia, illud denuõ, Serenissimo IOANNE CASIMIRO Regnante, repetat. Felicibus auspicijs, sceptrum Regni obtinuit, in felicitate continuabit, & primam suam in diademate, & Fratris gloriam. At profectò, post tot malorũ procellas, quibus vexabatur duriter Polonia nostra, si quando Regẽ experta est Solem, nunc potiss

ligiosorum præceptorum, quia spontè incredibili cum feruore
in studia virtutum incubuerat: quibus innutritus vltiori ætatis
progressu, nil nisi heroica atq; Regia, progenerabat facinora.
Sat euidentis erat argumentum, feruentis illius in Deum amoris,
qui quòcunq; se reciperet, spiritualem Patrem sibi præsentem
habuit, partim propter Diuinorum contemplationem partim pro-
pter seruandam mentis integritatem. Quid refert aliud, tabel-
la illa aurea, Leopoli in Ædibus sacris Carmelitarum de-
posita, præterquam in præstandis Deo gratijs, zelantem animum;
quando Moschis gloriosè superatis, à Borysthene reuersus in illam
vrbem, morbo ibidem affectus acutiori, augustæ Dei Parentis
subsidio conualuit. Non deflexit à feruore deuotionis, itinera-
rijs fatigatus molestijs: dum, ne generosus otio torpesceret a-
nimus, longitudine dissitas peragrabat terras. nam sacrum audi-
re, consuetis vacare deuotionibus, Diuorum ædes, sacella visi-
tare, siue Neptuneo veheretur curru, siue sexigis expediret
iter; semper grauem sibi iacturam venisse cogitabat: quoties
occasioni ad mentem Deo sacrandam, affectum non inpendisset.
Erant infixæ memoriæ illius præclara, Theodosij Augusti ver-
ba, quibus filijs suis pietatem inculcabat; colite filij pietatem,
per hanc felix regimen pendere, conseruari pacem, extinguere bel-
lum, hostes in fugam verti, victoriam deniq; constare, certo cer-
tius, magni comperierunt Reges. Atq; hæc virtus, eò maior in
Regibus ac Principibus deprehendi solet; quò difficilius cum
pomposis sociatur titulis, blandisq; deliciarum oblectamentis.
Illa tamen virtus, sublime & excelsum tenet in Regibus fastigi-
um. quæ gemmeam Regnorum, Imperiorum, parturit felicitate-
tem. Non aliam hinc cogitare licet, præter ipsam fortitudinem;
quæ inter illustri adornata splendore virtutum cacumina, insigni
victoriarum cumulo gloriosissima, trophæorum multitudine ce-
leberrima, illustri triumphorum splendore fulgida, Regum, Im-
peratorum, Principum, ferro incisa marmori nomina, fastis con-
secrat immortalitatis. Prodit se ex ea sublimis animus, ad sce-

propterea purpuramque natus, in Serenis: IOANNE CASIMIRO, quem in primo adolescentiæ flore, equestris exercitia, & eximia equitandi tractandique arma, tum pugilum, tum militum, more commendavit studium. Non fuerunt hæc leuidentia futuræ eius fortitudinis exercitamenta, quibus ad strenuè cum hoste, dimicandum, profecerat insigniter. Nihil illum terruerunt hæreditarij domus suæ hostes, contra quos, cum gloriosissimo Parente, SIGISMUNDO III. 20. currente anno, ad Mariæburgum stetit animosus. Fuit deinceps magna pars victoriæ, Serenissimo diuæ memoriæ VLADISLAO Fratri, quem ad Borysthenem cum sædibus Moschis, potenter iuuit; suæ etenim legis subsidio, Smolenscianos extremo laborantes periculo, erexit. Hæc illum dexteritas bellica, & ingens animi robur, in supremam, vigiliarum præfecturam ordinauerat; quod quidem munus suum ita adimpleuerat, ut obsessores obsessos, debellatos, & confusos, ad pedes Regios humiliaret. Triumphali illa gloria animatus, cum victore exercitu in Turcas & Amuratem perrexit; quem nisi saniora pacis consilia, Murtazio Bassa in concordiam properante, à proposito retardassent, Martis alea victorem nobis ostendisset. Quid fortis animus, ulterius sibi proponebat faciendum? quiescendumne, & commoditatibus post tot exhaustos labores, consumptas fatigationes indulgendum? minime, ne illa heroica virtus inertiae langueret fomento, ad castra Imperatoria Augusti Ferdinadi sui Auunculi discessit. Exceptus summa à Cæsare læticia, ad eam animi magnitudinem progressus erat, ut ad pericula non attendendo, recedentes in Galliam hostes, sua legione persequi attentaret. Nec deerat aliquis, in militia illa genius infestus, qui quæ potuit incommoda, vitæque pericula, intentauit. atque hæc omnia aut singulari profligauit prudentiâ, aut infracto pertulit animo. Vir fortitudinis obarmatus panopliâ, despexit cuncta, quæ in hominem cadere potuerunt. Est enim auida periculi magna virtus, tuta semper sectari, ignauiam existimat; per alta & prærupta enititur, & cum periculo potius
summa

summa, quam tutò humilia sequi mauult. Hoc vel solo nomine, abundè laudari potest, Serenissimus IOANNES CASIMIRVS, quòd ex omni comitum numero, quorum maior pars, repentino perterrita metu, fugæ accelerabat: ille solus instando fortiter, in vitæ non modicum inciderat discrimen. Non alius apparuit, qui vel laborum appetentior, vel incommoditatū tolerantior, vel solis, pulueris, imbris, inedia, aliarumq; molestiarum patientior, extitisset. Neq; illa bellicæ rei gloria, quam per tot laborum quæsiuit experimenta, adscribenda est fortunæ; cui hoc nomine etiam succensere potuit: quòd quem sceptro, & solio destinauerat, rarò indulgenter habuit. Sed vt seueri patres, suis quos plùs diligunt filijs, tristiores esse consueuerunt; ita illa Serenissimū Principē bellis difficillimis, & aduersitatibus exercuit, dum aptauit Regali Solio. Magnanimum illum, natura produxerat; qui cum nosset, vnum esse huius vitæ fluctuantis, & turbidæ portum, stetit confidenter; apertèq; tela aduersæ fortunæ, recipere non aduersū sibi existimauit. Tam constantē illius, dum miramur animū quòd per omnem seuiantis fortunæ mutationem, firmiter confisteret: prudentiam hoc in passu mirari debemus, quæ quanta sit in Serenissimo Rege, ignorat nemo. Prudentia est ingeniosissima contra artē, sagacissima contra astū, generosissima contra terrorem, imperterrita contra exasperatam & fucatam maiestatem: artem ingenio, astum consilio, terrorem indomito vigore, mentitam maiestatem, ampla animi constantia, Sereniss: IOANNES CASIMIRVS, contriuit, superauit. Non deerat hoc, in Principe prudentissimo, vt anteuertetet infortunia, caneret triumphum, dissipatum animi statum colligeret, mentem ad Dei nutum & voluntatem componeret. Non poterat illi aduersa obesse fortuna: quia sibi firmitus in prudentia, quàm in casu præsidium collocauerat. Hæc eius celebris prudentia, gemino nititur fonte; scientiarum videlicet exquisita peritia, vsuq; rerum diuturno, moribus deinceps, ingenijs exterorū hominum exploratis. Didicit eximia cum laude iuuenilis ætatis,

literas humaniores, quibus per sedulam diligentiam Philosophiam & Mathematicas adiunxerat disciplinas. Nec alia Rege dignior videtur scientia, quàm ipsa Mathesis; Regum illa est inuentum ac Imperatorum, & per Reges Principesq; non infelix sumpsit incrementum. Illa ad rem bellicam prosperè gerendam, ad consilia optima suggerenda, ad casus & fortunæ volubilis ludos eludendos, ad feliciter gubernandam Rempublicā tantum valet; quantum in illis Regibus, Augustis valuit Imperatoribus, quos felicissimos, prisca ætas excellentibus prosecuta est encomijs. Relucet in Serenissimo Rege sublimis variaq; eruditio; relucet dignus imitatione cultissimus latini sermonis stylus, in quo neruosam Senecæ gravitatem, Lipsij vim acutam, ingenij, mellifluam Tullij suadam, exactam linguarum exoticarū comperies notitiam. Fortasse illas benè tenuit Taciti voces Imperatore dignas. Quis melius imperat, quàm literatus, ideoq; Constantini laudem æmulatus, maluit sibi apprecari, eruditione potius commendari quam imperio. Et profectò, tali ad præsentem infelicitatem opus erat Rege, sub quo nobis, prisca redderetur pax, & vigor literarum pristinus, quarum nemo est sincerus fautor, nisi qui cum illis arctam iniuit societatem. Neq; uic, plurimis ad exagerandum literarum emolumentum opus est verbis, quantum ad Regnorum, Imperiorum, conferant, felicitatem. ipse sufficiat in testem oculus Historicorum Salustius. Ego inquit comperi omnia regna, cunctas nationes, vsq; eò imperium habuisse, dum apud eas vera consilia valuerunt, ipsæq; floruerunt literæ. Neq; nostra, toto Orbe inclyta Cracouien: Academia addubitat, quin Serenissimū Regem coronatum, sibi habeat propitium. Iagelonia tota est, à Iagelone stetit, in Iagelone creuit, per Iagelonem vigeat, floreat expedita expedit & ad famam stirpis Serenissimæ promouendam, & Regni ipsius per omnes exterarum gentes gloriam propagandam. Illud quippè Principis boni munus est, relictam à Maioribus gloriæ hæreditatem non tueri modo gnauiter, verum etiam reddere auctiorem

liorem. Sed hæc magis ex summâ Regis Sereniss: prudentia;
quàm ex mea elucescunt oratione. Quis ita lippis infirmus ocu-
lis, qui hanc præstantem & illustrem, in Serenissimo Rege non
suspiciat virtutem. Quæsiuit illam, plurimas obeundo Natio-
nes, quàm summo cum studio comparatam, nunquam letheis
obruendâ aquis, recondidit memoriâ. Peragrauit Cælitibus
propitijs, Hispaniam, Galliam, Italiam, Germaniam, Angliam;
aliasq; longinquitate dissitas Prouincias; vbi, gentium, ciuitatum,
familiarum, linguas, cultus, ingenia, mores, variaq; spectauit
instituta. Non fugiebat congressus cum Viris sapientia illu-
stribus, colloctiones cum Regibus, cum Magnatibus familia-
res conuentiones, cum quibus ad Sophoclis sententiam, sapien-
tior euaderet. Si quis ea in re, contendat ire inficias: condemnet
Lacedæmoniorum institutū, qui Apollinem Sapientiæ præsidem
quaternis manibus, totidemq; pedibus, fingere consueuerunt:
illud nimirum innuentes, eum demū prudentem virum haberi
debere, qui plurimas res tū gesserit, tum audiuerit. Sapientissimum
inde Hadrianū Imperatorem, antiqua illa prædicauit ætas, quod
peregrinationibus fuisset clarus qui eam consuetudinē rece-
perat, vt quidquid in libris legisset, id oculis coram intueri con-
cupisceret. Quamobrem Herodotus Græcæ princeps historiæ,
Solonis illius oraculi sapientiæ, peregrinationem tantum extu-
lit, quantum dicendo valuit. Non indigna laudatore eximio,
Regis Serenissimi peregrinatio censeretur debet. Quam ille pro-
pterea suscepit, tum vt veræ solidæq; prudentiæ, fructuosam
compararet segetem, tum vt exerceret pietatem tum vt morem
Christianis gereret Principibus, quorum amor & sanguis fuit.
Quid etenim in Serenissimo Principe poterat inueniri, quod eū
non redderet gratiosum. Ita illum partim natura, partim ipse se
talem finxerat, vt nulla in re non esset voluptati intuentibus.
Imò verò sic erat venustus, sic amabilis, sic gratijs omnibus exor-
natus, vt non ab hominibus genitus, sed à Dijs factus esse vide-
retur. Illa ipsa in tanto Principe modestia, quam per iucunda

vocis, vultus, gestus, harmonia; totiusq; corporis decentissima explicat compositione; quid non boni fausti q; pollicetur, cuius mores reddit vüehementer venustos & amabiles. Videres in fausto ad Solium auitum ingressu, effusam hominum multitudinem; quomodo nutante vultu intimos enunciabat affectus, quæ eo tempore gratissimam sibi venire lucem cogitabat. Spectabit primò ingredientem Serenissimum Regem, veluti primam de mane lucem, quæ saluari splendore, languentes serenat herbas, tristesq; recreat campos. Non aliud solers aliquis inuestigator, in ipsis profundioribus cerneret Polonorum pectoribus, nisi cælum, quod Solem desideratissimum immenso recepit gaudio. Id præcunctis Nationibus laudis & gloriæ, sola habet Polonia, quæ ita est deuota, syncerè fidelis, amansq; sui Regis, vt in cuiuslibet subditi complexu sinuq; dulcem possit capere somnum. Procedat igitur felix, tantis subditorum votis & comprecationibus, Rex Serenissimus IOANNES CASIMIRVS, quem ego cum Phæbum Lechiæ Serenum nominaui, non erraui. Serenus ille est; quia augustis Serenitatis splendoribus, Orbem Poloniarum, imò totiùs Europæ ambitum prouocauit ad lætitiā. Splendores candidæ & amabilis, istius lucis, qui per has Septemtrionis terras diffusi manent, sunt eius venustæ felicitatis, quam sibi cælestis fauor, cum primùm in lucem prodiret, prodigā impertiuit munificentia. Quā deinceps ita largus, ita liberalis, vt cum illam possideat, totam integramq; in subditis videre liceat. Serenus est insigni laudanda omnibus, imitandaq; pietate, qua suo Regno, cunctisq; Ditionibus, salutare affulsit sidus. Si etenim fortuna secunda, nihil aliud est, quā propitijs Numinis fauor, eam nihil æquè conciliat ac pietas in Principe: nec apud homines quidquam est, hanc vna virtute, fauorabilius, amabilius. Serenus est, heroica illā Regiaq; virtute, ipsa scilicet fortitudine, quam cum in illo natura inchoauerat, singularis deinde perfecit industria. Hanc triūphabit feliciter, perennabit contra maleuola hostium vota suauiter. Serenus est,
diuina


diuina illa virtute prudentiâ, quam per tot tamq̃ difficilia didi-
cit experimenta: non ignarus augustam prudentiam esse, Regno-
rum Reginam, purpurarum ornamentum, parentem gratiarum,
oculum regnantium, lucernam animæ, aurigam nutricemq̃ vir-
tutum. Hanc ille cum possedit, custodiuit eum, cum dilexit,
conseruauit eum, cum est complexatus, dedit capiti suo augmē-
ta gratiarum, & corona inclyta protexit. & sic Phæbus Le-
chiæ illuxit Serenus, Serenissimus IOANNES CASIMI-
RVS, feliciter coronatus. Illi sit faustum regimen, diutur-
na potestas. hic meus candor, hoc votum. Atq̃ ita spem
concepi, quia Dominus assumpsit eum. & est com-
 pactum desuper. DIXI.

Prover.
biorū 4.





Biblioteka Jagiellońska



stdr0008208

